


Alkitab Buat Bocah Nampilin

Perjalanan
Paulus nyeng
bikin kagum



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.




Paulus ama Silas, pembantu-pembantu Yesus, ada di dalem bui. Kaga, mereka kaga bikin kesalahan - mereka ngusir setan keluar dari seorang perempuan. Mereka nunjukin pujaan ati buat disembah sama orang-orang nyeng netep di Filipi kuasa nyeng bener dari Tuhan ama AnakNya Yesus.

Cuman karena itu mereka dibui, dipecut, ama dikonciin di dalem bui.




Bisa aja kamu
duga-duga kalo
Paulus ama

Silas jadi marah
ama kaga seneng. Tapi
mereka kaga kaya gitu.
Jelas-jelas pas tengah
malem mereka bediri
dan nyanyiin lagu-lagu
pujian buat Tuhan.
Semua tahanan nyeng
laen ama para penjaga
bui ngedenger
suara mereka.



Mendadak, nyanyian brenti. Tuhan ngirim LINI
buat ngegoyangin bui. Semua pintu pada tebuka.
Setiap rante nyeng ngeborgol mereka pada copot.





Yah---Yah! Para penjaga penjara yakin kalo semua tahanan pada kabur dalem keributan itu. Kalo ada seorang aja nyeng kabur, penjaga penjara itu bakal dihukum mati. Rada murung, penjaga penjara nyeng malang itu nyabut keluar pedangnya. Dia ampir aja bunuh diri dan kelar semuanya.



Tapi Paulus keluar dan tereak,
"Jangan sakitin dirimu, kami
semua ada di sini." Pas
penjaga penjara itu ngeliat
dia, dia bilang, "Tuan apa
nyeng kudu aku kerjain biar
aku selamet?" Saut mereka,
"Percaya sama Tuhan Yesus
Kristus, dan kamu bakal
selamet, kamu ama semua
keluargamu." Penuh ama
kegembiraan, penjaga
penjara percaya
sama Yesus.





Besoknya Paulus ama Silas dilepasin dari bui, lantas mereka ngadain perjalanan ke kota-kota nyeng laen, bilang pada semua orang soal Yesus. Ada orang nyeng percaya, nyeng laen nyoba buat nyakinin mereka.






Tapi Tuhan selalu sama-sama pembantu-pembantuNya. Satu malam Paulus kotbah berjem-jem. Ada anak muda nyeng duduk di pinggiran jendela nyeng kebuka, ketiduran dan jatoh. Bisa kamu bayangin apa nyeng terjadi.




Banyak orang tau kalo orang muda itu udah mati. Tapi Paulus pegih keluar dan meluk dia dan bilang, "Dia masih idup." Mereka ngebawa orang muda itu idup-idup, dan mereka ngerasa girang.



Paulus ama Silas punya banyak cerita dalem perjalanan mereka ke Eropa. Satu cerita Paulus nyeng paling gede terjadi pas dia ada di atas kapal. Itu bukannya kapal motor, tapi kapal layar, jadi gampang bangat di goyangin angin kenceng diseputernya.






atas kapal sebab dia ditahan lagi. Sekarang dia musti dikirim ke kaisar di Roma, kota paling gede di dunia. Angin nyeng kenceng niup, pelan-pelan bikin tenggelem kapal itu. Keliatannya ada angin kenceng. Itu bagian perjalanan nyeng buruk buat Paulus ama tahanan laennya, termasuk para juru mudi kapal.



"Sodara-sodara, aku tau kalo perjalanan ini bakalan bikin bencana," Paulus ngingetin. Kapten kapal itu kaga mao ngedengerin omongan Paulus. Mereka terus aja belayar.




Pas badai nerjang, mereka nyoba ngiket kapal itu kenceng-kenceng sambil ngarep kalo hal itu bisa ngejaga kapal itu dari bahaya keancuran. Kalo kapal itu pecah, lantas mereka bakal ke kubur aer semuanya.



Kapal itu digoyang-goyangin dengan hebat lantas kapten kapal nyuruh setiap orang buat nulungin ngurangin beban kapal itu. Ari ketiganya, mereka ngebuang alat-alat kapal ke luar.

Bisa jadi itu rada sedikit ngebantu.



Pas malem ari, seorang malekat
bediri disamping Paulus dan
bilang kalo semuanya bakalan
bae-bae aja.



Nyeng laen atinya rada girang pas Paulus bilang,
"Karena itu kuatin atimu, sodara-sodara! Karena
aku percaya sama Allah, kalo semuanya itu bakalan
terjadi sama kaya nyeng disampein
kepadaku. Tapi kita kudu nganyutin
kapal ini pada satu pulau."



Setelah beberapa ari, kapal kanyut sampe ke deket pulau Malta. Kapal itu nabrak batu dan tebelah. Kapten nyuruh semua orang nyeng bisa brenang supaya loncat kluar kapal dan brenang ke darat. Para tahanan juga selamet, sebagian pake papan dan sebagian pake pecahan kapal.



Di Malta Allah nunjukin kuasaNya. Pas mereka lagi pada ngumpul di tungku api, seekor ula bedudak matok Paulus. Orang-orang mikirnya kalo dia bakalan mati. Tapi patokan ula bedudak itu kaga bikin dia lecet.



Lantas orang-orang itu mikir kalo Paulus itu Tuhan. Banyak orang pada dateng, dan Tuhan nyembuhin mereka abis Paulus sembahyang buat mereka.




Akhirnya Paulus nyampe juga di Roma. Butuh waktu kira-kira dua taun buat ngadilin kasusnya. Selama nunggu waktu pengadilan itu, Paulus nyewa satu rumah dan nerima tetamu. Kira-kira kamu tahu kaga apa

nyeng diomongin Paulus sama tetamunya?

Kerajaan Allah! Tuhan Yesus Kristus! Paulus ngelayanin Tuhan di Roma, kaya semua perjalanan dia nyeng laen.



"Aku udah ngelarin pertandingan nyeng bae, aku udah nyampe garis pengabisan dan aku udah miara iman," Paulus nulis dari Roma. Alkitab kaga bilang sama kita kaya apa idupnya berakhir, tapi catetan nyeng laen bilang kalo Paulus palanya dipenggel karena perentah Kaisar Nero. Paulus mati kaya waktu dia masih idup,



Pembantu Tuhan nyeng penuh iman, dan bilang sama orang laen soal Yesus Kristus.

Perjalanan Paulus nyeng bikin kagum

Sebuah cerita dari perkataannya Tuhan, Alkitab

Ditemuin di

Kisah Para Rasul 16, 27, 28

“Palang pintu Firman Engkau ngasih terang.”
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya!

Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

